



DAcus, qui & Danus dicitur, erat tertius comes Tuifconis, qui patrium solum relinquēs, occasum uersus in Europam sese cum socijs contulit. Cum itaque ipse quoq; grauer res sibi à Tuifcone commissas administraret, ab eodem regioni citra & ultra Istrum præfectus est, quæ à Septentrione parte Sarmatię, à meridie Danubio terminatur. Postea uerò Colonia quoq; ad mare Germanicum atq; Septētrionales insulas ducēs, iuxta aliquos Danorū gentē constituit. quā regionē hodie Danorū rex, inter Germāię principes celeberrimus, feliciter administrat. Veteres autē eius regionis incolas Cymbros & Cimerios appellarūt. Hac ratiōe factū ut ea prouincia quam primò incoluit, à Daco Dacia sit uocata, quæ hodie magna Valachia, atq; pars eius Transsiluania dicitur. Altera uerò, in quam Colonias duxerat, Danię aut Danimarçæ nomen sortita est. quanquam aliij eam à Dano Humblī filio postea denominatam esse uoluerunt, id quod suo loco declarabitur. Berof. Zieg.